

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA**

## **INICIJATIVA**

**za osiguranje privremenog finansiranja terapije lijekom sotatercept za pacijente sa plućnom arterijskom hipertenzijom (PAH) u Kantonu Sarajevo**

### **Obrazloženje**

Plućna arterijska hipertenzija (PAH) je rijetka, hronična i progresivna bolest koja dovodi do visokog mortaliteta ukoliko se ne liječi adekvatno i pravovremeno. Terapijske mogućnosti su ograničene, a uvođenje inovativnih lijekova značajno produžava i poboljšava kvalitet života oboljelih.

U Kantonu Sarajevo trenutno je registrovano 10 pacijenata sa plućnom arterijskom hipertenzijom, od kojih četiri imaju kliničku indikaciju za početak terapije lijekom sotatercept. Riječ je o inovativnom lijeku čija su učinkovitost i sigurnost potvrđene u međunarodnim kliničkim ispitivanjima, a koji je odobren od strane Agencije za lijekove i medicinska sredstva Bosne i Hercegovine u septembru 2025. godine.

Budući da lijek sotatercept još nije uvršten na Listu lijekova Fonda solidarnosti Federacije BiH, pacijenti iz Kantona Sarajevo trenutno nemaju mogućnost pristupa ovoj terapiji, iako postoji jasna medicinska indikacija.

### **Prijedlog**

Predlažem da Ministarstvo zdravstva Kantona Sarajevo i Zavod zdravstvenog osiguranja Kantona Sarajevo:

-Razmotre mogućnost privremenog finansiranja ili sufinansiranja terapije lijekom sotatercept za četiri pacijenta s plućnom arterijskom hipertenzijom, do konačne odluke o njegovom uvrštavanju na federalnu listu lijekova.

-Uspostave poseban program unutar budžeta za rijetke i teške bolesti, kojim bi se omogućilo privremeno snabdijevanje ovim lijekom u saradnji sa Kliničkim centrom Univerziteta u Sarajevu i nadležnim stručnim tijelima.

## Zaključak

Usvajanjem ove inicijative Kanton Sarajevo bi pokazao senzibilitet i društvenu odgovornost prema osobama koje boluju od rijetkih i teških oboljenja, te bi postavio primjer dobre prakse za druge kantone u Federaciji BiH.

Na taj način bi se omogućio kontinuitet liječenja i spriječile teške zdravstvene komplikacije kod pacijenata kojima je ova terapija nužna.

Sarajevo, 10.11.2025.godine

\_\_\_\_\_